

**SECONDA SESSIONE URDINARIA DI U 2022**  
**RIUNIONE DI I 30 E 31 DI MARZU DI**  
**2023**

**2EME SESSION EXTRAORDINAIRE DE 2022**  
**REUNION DES 30 ET 31 MARS 2023**

2023 / 01/025

**REPONSE DE MADAME BIANCA FAZI LA QUESTION DEPOSEE PAR MADAME VANINA LE  
BOMIN AU NOM DU GROUPE AVANZEMU**

**Objet : Accès aux soins et droits des femmes : fermeture de la maternité de la clinique  
Maynard**

À ringraziavi Madama a Presidente è cara cunsigliera,

Parlate di a situazione di a Maternità di a clinica Maynard, dicendu ch'ella chjuderà e so porte di manera definitiva. Vi vogliu ramintà cum'è l'aghju fatta à u principiu di lugliu di u 2022 ch'è no simu stati i primi à pusizionacci digià di dicembre 2020 nantu à a cumprera di u gruppu Maynard, gruppu emblematicu in u settore di a salute in u Bastiacciu è ancu nantu à a piaghja, da u gruppu Alma viva. Ci simu upposti à a ghjunta di un gruppu esternu, chì avia digià parecchi stabilimenti in Cuntinente. À u mese di maghju di u 2021, a vostra assemblea purtava u so sustegnu incundizionale è à i persunali di a maternità di a clinica Maynard, ind'e so rivendicazione in u quattru di una muzione vutata à l'unanimità da st' assemblea dopu à l'annunziamentu di u prugettu di fusione di a maternità di a clinica cun l'ospedale di Bastia.

Oghje a maternità, l'ete detta, hà da chjode e so porte per di veru, ghjè una decisione di u Ministeru, in lea cun l'attori è particularmente cù a Direzione di a clinica chì ùn hà micca datu l'auturizzazione di cuntinuà a so attività in 'ssu duminiu, dicendu chì l'attività ùn era micca rentabile. Ghjè u Statu chì hà a cumpetenza è u Cunsigliu esecutivu ùn hè mai statu assuciatu à e discussione annantu à 'ssu

sugettu. U merre di Bastia s'hè impignatu à parechje riunioni nantu à 'ssu sugettu è ogni volta hà militatu per u mantene di a maternità, ma dipoi u principiu a direzione ùn hà mai vultu mantene l'attività.

A clinica assicureghja più di 600 parti à l'annu. Tengu à tranquillità e paziente : puderanu esse prese in carica à l'ospedale di Bastia, chì si riorganizeghja in 'ssu mumentu per permette a cuntinuità di u serviziu publicu. Sò chì e pruposte sò state fatte à i duttori, à e *sage-femme* è à l'aussiliare puericultrice per integrà l'ospedale di Bastia di manera voluntaria è chì u stabilimentu aspetta e so risposte.

Vi vulia ramintà chì u merre di Bastia, Pierre Savelli, ùn hà mai lasciatu di è hà dumandatu à a clinica di ripiglià è di fà e pruposte per i persunali di a maternità.

A sò chì ci hè quella di a maternità di Bastia ma ci hè quella di Portivechju, è ci simu impignati da chì a maternità di Portivechju, chì hè alluntanata da tutti i stabilimenti, ùn chjudissi micca avà e so porte. Ma sapete chì ghjè a lege chì dice chì e maternità chì ùn anu abbastanza nascite à l'annata devenu chjode.

Sò d'accordu cun voi, ci vole à truvà una suluzione, ci vole ch'è no fussimu noi, u cunsigliu esecutivu, à fà chì ci sianu suluzione, per l'accessu à i medici in Corsica. A sapete, ci hè u prugettu di CHRU pè a Corsica, da chì tutti i Corsi appiinu st'accessu.

Hè per quessa ch'è no vulemu truvà una nuvella manera di travaglià nantu à a saluta, cun l'attori publichi è privati di a Corsica.

Siate puru sicuri ch'è no c'impignemu forte nantu à 'ssu sugettu.

Vi vogliu ringrazià !